


# სახალხო გაზეტი

სუბათიანი ჟამათი

გაზეტის № 770

ღამასების № 135

კვირა, 9 დეკემბერი 1912 წ.



მსახიობი ვლადიმერ ალექსი-მეხიშვილი.  
ნომადალ იუბილის გამო.

## მწუხარე კლდე

შავი ზღვის პირად ობოლ-ყული  
სდგას კლდე მაღალი, ჩუმი, მწუხარე...  
მის ქვეშ ბობოქრობს ქაფ-მორეული  
ტალღა მძვინვარე, ტალღა მქუხარე!..  
წინ გადახრილი, უხმოდ მკვნესავი,  
კლდე არ აშორებს მაცდურ ზღვას თვალებს;  
რას ეძებს მაში, სევდის მკვესავი,  
რად სწუხს იგი და რად ვალალებს?!..

შეყვარებულნი ზღვის პირად დგანან...  
შუქურ ვარსკვლავებს ტურფანი ჰგვანან!  
მოხდენილები, მშვენიერები,  
თავისუფლები, ბედნიერები,  
დიადსა გრძობას დაჰმონებთან:

წინაშე მზისა,  
ცისა და ღვთისა,

ერთმანეთს გულნი ჩაჰკონებთან!..  
ზღვა კი წყნარია... მის ზედაპირი  
თვალის წარმტაცად, ვით სარკე—ბრწყინავს,  
რულს შეუპყვრია ცელქი ზეფირი,  
დასიკხულ ტალღას მავრად სძინავს...  
ზღვა კი წყნარია... ო, ეს სიწყნარე,

ნუ მოსტყუვდებით, არ არის მკვდარი:  
მასში იფარვის ვნება მძვინვარე,  
ვნება უსაზღვრო და საშიშარი!..

ჩემო ლომო, როგორ ცხელა!  
სანთელივით მზისგან ვდნები...  
ჩავალ აქვე ზღვაში ნელა,  
ვიბანავებ—გავგრილდები!  
შენც კი გირჩევ—ამო-გრილში,  
აგერ იმ ხის მყუდრო ჩრდილში  
დაისვენო, გენაცვალე!  
დიდხანს ცდა არ მოგიხდება:  
კვლავ გაეჩნდები შენთან მალე!  
— კარგი, მგრა... ჩემო ყველავე,  
ნაპირს შორს ნუ გასცილდები!...—  
— სულის სწორო, ნუ, ნუ ჰღელავ,  
ბავშვი არ ვარ, გავფრთხილდები!..  
და შევედრა რაინდი ღმერთსა  
სატრფოს ჰყოლოდა მკველად და მხსნელად.  
გადაეხვივნენ კვლავ ერთმანეთსა  
და გადაჰკოცნეს... უკანასკნელად!..

ბუმბულივით მსუბუქ-ნაზი,  
თმა გაშლილი და ნარნარი,  
სცურავს ტურფა და ლამაზი  
გედივითა თეთრ-მწყაზარი!..  
ახ, რა გრილა!.. ცელქობს, ლაღობს,  
და შეჰხარის არე მარეს,  
მშვენიერის მკერდით აპობს  
ტალღას ძილში მომღიმარეს.  
იციქვრება იგი ხან ძირს,  
სქვრეტს წყლის ლაქვარდს გამსკვირვალეს,  
ხან იბრუნებს ცისაკენ პირს  
და შესცინის მზეს ბრწყინვალეს!  
საოცნებოს, თეთრსა სხეულს  
თმა გიშერი ოღნავ ჰფარავს...



ამერიკის შეერთებული შტატების  
ახალი პრეზიდენტი  
ვუდრო ვილსონი.

თავს ბრუ ესხმის მზესა ძლიერს!  
ლალის ბაგეთ კოცნას ჰპარავს!..  
ნაპირზედ კი... იქ, ხის ძირში,  
ქაბუკს ჰხიბლავს გრილი ჩრდილი,  
გართულს ამო და ტკბილს ფიქრში  
მიჰპარვია მუხთლად ძილი!..

...  
 ზღვა ხედავს ქალსა,  
 ვნებას აქორებს!..  
 ზღვა ხარბსა თვალსა  
 ქალს არ აშორებს!..  
 რომ მოაწონოს მშვენიერს თავი  
 როგორ თვალთმაქცობს განზრახვით ავი?!..  
 ხან ამწვანებულ ჯეჯილივითა  
 ზურმუხტის ფერად წაიბიბინებს,  
 ხან გაფითრდება ის ვერცხლივითა,  
 და იაგუნდად ხან გაიცინებს!..  
 ხან ოქრომკედით ნაკერ ძოწეულს  
 გაშლის ფართეთა და წამოიხსამს,  
 ხან აღმასცვრიან ჯილასა გრძნეულს  
 ქარვისფერ თმიან თავზე დაიდგამს!..  
 ხან სადაფისა უცხოს, მრავალს ფერს  
 აალივლივებს და ააჭრელებს,  
 და ხან დასწვდება თავის მყუდრო ფსკერს—  
 იქილამ ისვრის ფირუზის ქველებს!..  
 რა ლამაზია!.. მის თილისმისა  
 ძალით ტყვევნილი ქალიც მიცურავს...  
 შორს დარჩა უკან ნაპირი ზღვისა,  
 ცის კიდეს შავი ღრუბელი ჰბურავს...

...  
 ჰე, რაინდო, გაახილე  
 თვალი! მალე! ეჰ, რას ელი?  
 შენი სატრფო გააფრთხილე,  
 მოაშორე განსაცდელი!  
 ზღვამ დაუგო ლამაზს მანე!  
 შეხე, როგორ წინ იტყუებს!..  
 ახ, ისწრაფე გადასძახე—  
 ნუ ენდობა—მოატყუებს!..  
 აგერ ქარიც ამოვარდა,  
 ეცა ზღვასა, არე-მარეს,  
 გადაჰფარა ღრუბლის ფარდა  
 ცისა ლაყვარდს, მზეს ელვარეს!  
 ზღვამ უმტყუნა!.. ჰგრძნობს გასაჭირს!..  
 აღარ შესწევს ტურფას ძალა!  
 გამობრუნდა, მაგრამ ნაპირს  
 მიაღწევს კი?!.. დაილალა!  
 ეჰ, რაინდო, მაგრად გძინავს,  
 ძილში ტკბილად ილიმები!..  
 ზღვა კი ჰღელავს, ზღვა კი ბღღვინავს,  
 ცასა სწვდება ტალღის მთები!..  
 ტურფამ მწარედ დაიკვნესა:  
 მოუღუნდა ხელი, ფეხი...  
 ცამა ელვა დააკვესა,  
 სტყორცნა მიწას მკვეთრი მენი!..  
 უცბად ტალღა ქალსა ბეჩავს  
 დაეწია სწრაფის სრბოლით,  
 გადაევლო მშვენიერს თავს,  
 გადეთარა ვნების თრთოლვით!..

...  
 ჰეჰის, კვილის ხმა საშინელი  
 ყურს ჩასწვდა მძინარ ჰაბუკსა ლომ-გმირს...  
 ზე წამოიჭრა იგი, ვით ხელი,  
 და მიაშურა სწრაფად ზღვის ნაპირს!..  
 ეძებს... ეძახის თავის სანატრელს:  
 ჟსადა ხარ, ტურფავ? სად დამემალე?..  
 რატომ არ ვხედავ სახეს საყვარელს?  
 ნუ მესუმრები—გამოჩნდი მალე!  
 ხომ ჰხედავ—შიშმა მუხლი მომკვეთა!  
 სული მესხუთვის, თქმა მიძნელებდა...  
 ახ, წინაგრძნობა, სასოწარკვეთა  
 ცნობასა მხდინა!.. თვალთ მიბნელებდა!..“  
 დგას... ელის პასუხს... ტალღებსა დასცქერს...  
 უცბად მის გულში ბოღმა აზღვავდა:  
 მიხვდა რაინდი, მიხვდა ყველაფერს  
 და მწარე კვნესით... იქვე გაქვავდა!..

...  
 განვლო დრომ... სადაც აყვავებული  
 ზღვის კიდე შვენის კეკლუც ნარნარი,  
 სადაცა იღვა გაქვავებული

რაინდი—ეხლა დგას კლდე მაგარი!  
 ყოველ წლის თავზედ, პირბადრი მთვარე  
 ცისა შუაგულ როს გამოჩნდება,  
 როს ზღვა მრისხანე, მუდამ მღვლვარე,  
 დაშოშინდება და მიყუჩდება—  
 კლდისაკენ სწრაფად მოცურავს. ქალი  
 წყლის სასახლიდამ გამოქცეული...  
 ეძახის თავის სატრფოს ფერმკრთალი,  
 ეძახის ჰაბუკს, ხვეწნად ქცეული!..  
 და კლდე ირხვევა! დნება ირღვევა!..  
 რაინდს სიცოცხლის ფერი გადაჰკრავს!  
 სატრფოს სულისას გადაეხვევა  
 და გულში მაგრად, მაგრად ჩაიკრავს!..  
 და დიდხანს, დიდხანს ლამის სიწყნარეს  
 კოცნის, ალერსის, კვნესის ხმა არღვევს...  
 თვალზე ადგება ცრემლი თვით მთვარეს,  
 ნათელ მანდილში მიჯნურებს ახვევს!..  
 მაგრამ იღვიძებს ზღვა და ლელდება!  
 ტალღა მრისხანე კვლავ ქალს იპარავს!  
 მთვარე ფერს ჰკარგავს... ღამე ბნელდება...  
 ქვის სამოსელი კვლავ რაინდს ჰფარავს!..

...  
 შავი ზღვის პირად ობოლ-ეული  
 სდგას კლდე მალალი, ჩუმი, მწუხარე...  
 მის ქვეშ ბობოქრობს ქაფმორეული  
 ტალღა მძვინვარე, ტალღა მქუხარე!..  
 ბათომი. ოქტომბერი. კ. მაცხაშვილი.

## ქალის პატიოსნება

(ეტიუდი როსნისა).

მარკიზ დე—ბარი არ იღებდა მონაწილეობას ჩვენს საერთო მხიარულ ლაპარაკში. ხმა ამოუღებელიე ჩაფიქრებული იჯდა თავისთვის და ყურს გვიგდებდა. ბოლოს მაინც ჩაერია ლაპარაკში, მაგრამ აშკარად ეტყობოდა რომ, რასაც ის გვიამბობდა, განვლილი მწუხარების მწარე მოგონება იყო.

— ქალი, დაიწყო მან ნაღვლიანის კილოთი, ყოველთვის იცავს თავის სიყვარულს ისე, როგორც ჩვენ, მამაკაცები ვიცავთ ჩვენს თავმოყვარეობას და პატიოსნებას.

იცავს, და ამ დაცვის დროს, ხანდისხან დიდ გმირობასაც იჩენს. ჩვენთვის ქალის სულიერი ძალა უმეტესად გაუგებარი და მსუწდომელი რჩება.

ჩემს ახალგაზღვობაში, განაგრძო მარკიზმა, ჩემს თვალწინ მოხდა ერთი ფრიად სამწუხარო შემთხვევა, რომელიც სამუდამოდ აღმებეჭდა მეხსიერებაში. მას შემდეგ სრულიად ვამოვიცვალე შეხედულება ქალებზე და იმათ სიყვარულზე... მარკიზმა თითქოს ძალა მოიკრიბა და გულდასმით განაგრძო დავყებული ამბავი.

ბიძაჩემმა, გრაფმა დე—ბარიმ, წამიყვანა თავის სასახლეში როცა მე ჯერ კიდევ ახალგაზდა ვიყავი. დიდი ხანი არ გასულიყო, რაც მას პირველი ცოლი მოუკვდა, რომლისგანაც შვილი არ დარჩენია. ბიძაჩემი ძლიერ მდიდარი იყო. ჩემი მშობლების სიხარულს საზღვარი აღარ ჰქონდა, რადგანაც ისინი დარწმუნებული იყვნენ რომ ბიძა-ჩემის აუარებელი სიმდიდრის მემკვიდრე მე გავხდებოდი.


სასახლეში ჩემი ცხოვრება მშვენიერად მოეწყო და მეც კმაყოფილი ვიყავი ბედისა.

თუმცა 18 წლისა ვიყავი, მაგრამ რადგანაც ბიძაჩემს ძლიერ ვუყვარდი და დიდ პატივსა მცემდა, არაფერს მიმალავდა და ყოველივე მისთვის მნიშვნელოვან საკითხის გადაწყვეტის დროს მკითხავდა რჩევას, როგორც გამოცდილ ადამიანს.—მე პირველმა გავიგე რომ ბიძაჩემს შეუყვარდა მშვენიერი ქაქელინა დე—ტენელი.—

მეც გატაცებით მომწონდა ეს მშვენიერი არსება და დიდს პატივს ვსცემდი.

ბევრი სულელადაც მთვლიდა, მამხილებდნენ რომ თავის მტერი ვიყავი და ჩემის საქციელით თავს ვლუპავდი, რადგანაც რა კი ბიძაჩემი ცოლს შეირთავდა, რა თქმა უნდა, მე აღარ გავხდებოდი იმის სიმდიდრის მემკვიდრე. გულცივად ვისმენდი ამეებს და არავითარ ყურადღებას არ ვაქცევდი იმათ ლაპარაკს. ჩემის აზრით, ჩემთვის დაუფასებელ—სიმდიდრეს შეადგენდა ბიძაჩემის სიყვარული და მისი კეთილი განწყობილება ჩემდამი.

# ბალკანეთის ომის გამო



**ბრძოლა ჩატალჯის გარშემო.** მარცხნივ — ბულგარეთის ჯარი ოთხის გზით მიემართება ჩატალჯის სიმაგრეებისაკენ. სამხრეთით 1 ლაშქარი, შუაგულში უმთავრესი ჯარი ჩატალჯისაკენ მიმავალი. ჩრდილოეთით — მესამე ლაშქარი, დერკოსის ტბის ორსავე ნაპირას. მარჯვნივ ოსმალეთის სიმაგრეთა სამი წყება.

ბიძაჩემისა და ჟაკელინას დაქორწინების შემდეგ პირველმა წელიწადმა შეუმჩნევლად გაიარა. ცოლ-ქმარნი ბედნიერად გრძნობდნენ თავს.

ახალგაზდა ქალმა ბევრი სიხარული და სიცოცხლე შემოიტანა ჩვენს მიყრუებულ სასახლეში...

გრაფს თავდავიწყებით უყვარდა თავისი მეუღლე, რომელიც ყველაფერში თანაუგრძობდა მას. მაგრამ ეს გარემოება რაღაც უეცრივ შეიცვალა. ბიძაჩემი თითქოს გამოიცივალაო: დარდიანობა დაეტყო და წინანდელი სიმხიარული სრულიად დაჰკარგა. ჟაკელინაც ხშირად მოიწყენდა ხოლმე. ბოლოს დავრწმუნდი, რომ ოჯახურ ცხოვრებაში მეტის-მეტად დახლოვება ოჯახის წევრებისა ერთმანეთთან უსიამოვნების მომსაწვეველია. როცა ბიძაჩემიც მიჰხვდა ამას, გადასწყვიტა, რომ ცოლ-ქმართ ცალ-ცალკე საძილო ოთახი ჰქონდათ და მუდამ ერთად არ ყოფილიყვნენ. ამ აზრით, მან მაშინვე ბინა სასახლის მეორე ნაწილში დაიღო და მას შემდეგ ცოლ-ქმარნი დღეში მხოლოდ რამდენჯერმე ნახულობდნენ ერთმანეთს. ოჯახში ისევ დამყარდა საერთო კეთილ-განწყობილება და სიყვარული.

ერთ ღამეს, როცა ტკბილად მეძინა, ვიგრძენ, რომ ვიღაც მალვობდა. ბიძაჩემი იყო. ნამძინარევეა თვალები გამოვაჭყიტე და შტერივით შევსცქეროდი.

ხატის წინ მბუტუავი სანთელი მკრთალად ანათებდა ოთახს, მაგრამ მაინც შევაშინიე, რომ ბიძაჩემი მეტის-მეტად აღელვებული იყო. მთელი სხეულით ცახცახებდა და რაღაცას გაუგებრად ბუტბუტებდა. ბოლოს ათრთოლებულის ხმით მითხრა:

— პიერ, ადექ ჩქარა, შენი დახმარება მეჭივრება!

წამოვხტი ლოგინიდან და სიტყვის უთქმელად საჩქაროდ ვიწყე ჩაცმა.

— ჟაკელინა მალაატობს! — წამოიძახა ბიძაჩემმა, — ჯერ მეგონა, ვსცდებოდი, მაგრამ ეხლა სრულიად დარწმუნებული ვარ: ამ სიტყვებმა გამაკვირვა, მაგრამ მაშინვე გამოვერკვიე, განცვიფრდი და ფუტხარ ბიძაჩემს.

— ეს შეუძლებელია, გრაფ, თქვენს მეუღლეს გაგიყვებით უყვარხართ!

— ის მე მხოლოდ თვალებს მიხვევდა თვისი მლიქვნელურის აღერსით — აღელვებული წამოიძახა ბიძაჩემმა. — ქალს, — განაგრძო მან, — მხოლოდ ის მიენდობა, ვისაც თავის დაღუპვა ჰსურს; ეხლა შენის საკუთარი თვლით დაინახავ ყოველივეს და დარწმუნდები, რომ მართალი ვარ... ფერდინანდ მთელი კვირაა რაც თავს ევლება და დღეს მიაღწია კიდევ საწადელს...

ამ სიტყვებით გრაფმა გამიყოლა და ორთავენი ჩუმად მივედით ჟაკელინას საწოლ ოთახის ფანჯარასთან. გრაფი ფრთხილად ათვალისწინებდა იქაურობას. მთვარე მკრთალად ჰფენდა შუქს სასახლის მიწყნარებულ არე მარცხ.

შევამჩნიეთ, რომ სახლიდან გამოვიდა რაღაც — კაცის მსგავსი — აჩრდილი და ფეხაკრფით ეზოს კარებისაკენ წავიდა.

ამის დანახვაზე ციებამ ამიტანა.

— აი, ხედავ, — ჩუმის, მაგრამ აღელვებულის ხმით მითხრა გრაფმა, — ის ფერდინანდ დე-მონტრე არის. ჟაკელინას ოთა-

ხიდან გამოვიდა, თან აქვს ეზოს კარების გასაღები და აი, როგორც ჰხედავ, ეხლა თავის სახლისაკენ მიეშურება.

ამ სიტყვებით მომკიდა ხელი და ორთავენი ანთებულნი, სანთელით შევედით ჟაკელინას ოთახში. ჩვენმა უღროოდ მივლამ შეაშინა გრაფის მეუღლე. არასოდეს არ დამავიწყდის ის ღამე... სულ თვალწინ მიდგას ის ანგელოზის მგზავსი ქალი, რომელიც ისე თვალწარბეცავი იყო თოვლივით თეთრ ღამის ტანისამოსში. მშვენიერი გაშლილი თმა გადაჰყარდა ბეჭებზე და ეს უფრო აორკეცებდა მის სილამაზეს. გამოუჩვეველ მდგომარეობაში მყოფი, ის შეშინებული შემოგვყურებდა ჩვენ. ბიძაჩემმა მიანათა სახეზე სანთელი, ჩახედა თვალეში და დემონიურად გადაიხარხარა.

— შეხედეთ, რა გველური გამომეტყველება აქვს! წამოიძახა ბიძაჩემმა.

ჟაკელინამ არ იცოდა რაში იყო საქმე და შეშინებულის ხმით გვკითხა:

— რა იყო? რა მოხდა? ავად ხომ არავინ არის?

— ავად კი არა, მოიწამლა! შეჭყვირა გრაფმა.

— ოჰ, ღმერთო ჩემო! რა უბედურებაა! — გულსაკლავ ხმით წამოიძახა ჟაკელინამ, რომელმაც გრაფის სიტყვები სინამდვილედ მიიღო და ეგონა რომ სასახლეში თავი მოიწამლა ვინმემ.

მაგრამ გამოარკვია გრაფის სიტყვებმა, რომელმაც მოთმინება დაჰკარგა და სასოწარკვეთილების კილოთი შეჭყვირა:

— მოიწამლა შენით, შე გარყვნილო. ფლილო ქმნილებავ საზიზღარო მოლაღატევ!

მშვენიერი სახე გრაფის მეუღლისა უცებ გაფითრდა და ისეთი გამომეტყველება მიიღო, რომ ყველა ადამიანს გულში სიბრაღულს აღძრავდა. გრაფიც მეტის-მეტად შესწუხდა იმის მაკტერალი და უხერხულ მდგომარეობაში ჩავარდა, მაგრამ იგი კვლავ შეიპყრო იქვენულობის გრძობამ და ისევ განგრძო:

— საზიზღარო! ჰხედავ კიდევ რა თვის მართლებას აპირებ! ოჰ, სადამდის შეუძლიან მიაღწიოს დედაკაცის უსინიდილობას?!

ჟაკელინა გრძობით სავსე ცისფერ თვალეებით მისჩერებოდა ქმარს და ხმას არ იღებდა.

როცა გრაფმა დაასრულა სიტყვა, ჟაკელინა მშვიდად შეეკითხა:

— მერე სრულიად დარწმუნებული ხარ რომ ყოველივე ბრალდება, რაც ეხლა ჩემს წინააღმდეგ სთქვი, მართალია?

გრაფი შეიპყრო ბრმა შურის ძიების ვნებამ. ის მიეცა თავ დავიწყებას და ეერავის ჰხედავდა. იგი სრულიად დარწმუნებული იყო, რომ ფერდინანდი უეჭველად ჟაკელინას ოთახიდან გამოვიდა. გრაფის შეურაცყოფას უფრო აორკეცებდა ის გარემოება, რომ ქალი არა სთვლიდა თავს დამნაშავედ და თანაც კითხვებს აძლევდა.

— გაჰხედავ და კიდევ უარს იტყვი რომ ფერდინანდ მონტრე, ამ რამდენიმე წუთის წინ შენი ოთახიდან არ გამოსულა, რომ ის ეხლა შენი ხვევნა კოცნით დაღერსით არ სტკებოდა?!

ამ სიტყვებმა ჟაკელინას პატიოსნება და თავმოყვარეობა შებღალა.

მან დაცინვის კილოთი მიჰმართა გრაფს და უთხრა: როგორ გეკადრება, რომ მაგნაირი სულელური აზრები გაივლე გულში. გონს მოდი! კარგად დაფიქრდი, თუ რას სჩა-



მ. კახიანი მამულერალთა გუნდი.

ლიხარ! შენის საქციელით ფეხქვეშ გასთელი და ტალახში ამოსვარე ქალის პატიოსნება და თავმოყვარეობა... შენ შეურაცხვე იმის უმწიკვლო სახელი... გავიწყდება რომ მე, — შენი მეუღლე, შენი მეგობარი და საყვარელი არსებმ ვარ. რაღაც გაუგებარ რამეს მეკითხები და მით შეურაცყოფას მაყენებ. თუ პატივსა მცემ და გიყვარვარ, — კიდევ უნდა გჯეროდეს ჩემი...  
— სთქვი სიმაართლე, თორემ ახლავ სიცოცხლეს მოგისპობ! — თავდავიწყებით შეჭყვირა შურისძიებით შეპყრობილმა გრაფმა, რომელსაც თითქოს არც კი გაეგონა ჟაკელინას სიტყვები.

ვიგრძენი, რომ ჟაკელინა არ დაუწყებდა გრაფს მტკიცებას — მართალი ვარო, არც ფიცსა და ამ გვარ რამე საშუალებას არ მიპმართავდა, რადგანაც მისთვის, როგორც ამპარტავან და თავმოყვარე ადამიანისათვის თავის მართლება შეურაცხველი საქციელი იქნებოდა.

გრაფს მხოლოდ ორი გზა დარჩენოდა: ან უნდა დაეჯერებინა ჟაკელინასთვის — ან მისთვის სიცოცხლე მოესპო.

თვით ჟაკელინას სახის გამომეტყველება ცხველებით ჰმოწმობდა ამას.

ოჰ, რას ამბობდა იმ წამში მისი თვალები! იმ წუთში მიყვარდა იგი მთელი ჩემის არსებით და მზად ვიყავი მისთვის თავიც გამეწირა.

— ბიძაჩემო, თქვენ ვალდებული ხართ, დაუჯეროთ! — აღელვებულის ხმით მივმართე გრაფს. მათ ორთავემ ჩემსკენ მოიხედეს, თითქოს აქამდის არც კი შეუშინებიათ ჩემი იქყოფნათ. ჟაკელინამ იგრძნო, რომ მე სახსებით მიუხვდი იმი საზრს და მზადა ვარ საჭიროების დროს მხარი დაეუჭირო.

გრაფმა კი გაჯავრებით მითხრა:

— პიერ, შენ ჯერ კიდევ ახალგაზდა ხარ! ჯერ შენ არა გქონია შემთხვევა, გარყვნილ და უსინდისო ქალისათვის გეცქირა თვალებში. ეს უსინდისო ქმნილებანი ურცხვად სტყუიან და ამ სიცრუის დროს ღიმიც კი უკრთით ტუჩებზე; გულუბრყვილოდ მოგაპყრობენ თვალებს და თავს ისე მოგაჩვენებენ, ვითომც ცამდის მართალი იყვნენ. გარწმუნებ, უკეთუ ამას სათქმელი რამ ჰქონდეს, — მაშინვე მოჰყვებოდა თავის მართლებას, მაგრამ, რადგანაც ჰგრძნობს რომ დამნაშავეა და თანაც

არაფერი თავის გასამართლებელი საბუთი არ მოეპოება, ამიტომაც სდუმს...

ვატყობდი რომ გრაფი თანდათან ჰკარგავდა მოთმინებას. შევნიშნე, რევოლვერი ამოიღო, მივევარდი, ჩავებლაუქე და ვესკდილობდი როგორმე წამერომია.

ამ დროს ჟაკელინა წამოდგა ლოგინიდან. იგი დარწმუნდა, რომ მე ვერ შევსძლებდი იარაღის წართმევას და ამიტომ უბედურება აუცილებელი იყო.

როგორც იყო მოვანერხე და გრაფს რევოლვერი ხელიდან გადავდებინე. ჟაკელინამ მოულოდნელად დაავლო ხელი იატაკზე დაცემულ რევოლვერს და სულის შემაშფოთებელ სიმშვიდით წარმოასთქა:

— შემდეგ თქვენ თითონ რომ სინდისმა არ დაგსაჯოთ, მე თვითონ მოუღებ ბოლოს — ჩემს თავს...

შეკვივლებაც ვერ მოვასწარი, რომ რევოლვერი გავარდა და გულგამბირული გრაფის მეუღლე უსულოდ დაეშვა...

—:—

მეორე დღეს, როცა ჟაკელინა უკვე გარდაიცვალა, გავიგეთ, რომ ფერდინანდ — დე მონტრეს უყვარდა ჟაკელინას მოახლე ქალი ქიული, რომელსაც გრაფის მეუღლის საწოლ ოთახის გვერდით ოთახში ეძინა და ფერდინანდიც იმ უბედურ ღამეს მოახლე ქალის ოთახიდან გამოსულიყო.

ამ ამბავმა უარესად გააგიჟა ბიძაჩემი. ის თავზარ დაცემული სულ ერთსა და იმავეს მიმეორებდა:

მითხარ, რათა სდუმდა ჟაკელინა, რატომ სიმაართლე არა სთქვა?

პასუხ არ ვაძლევდი. დარწმუნებული ვიყავი, რომ გრაფს არ შეეძლო გაეგო, თუ რას განიცდიდა ჟაკელინა იმ უბედურ ღამეს. გრაფმა სასტიკად შეურაცხო იმისი თავმოყვარეობა. თავის მართლება რომ დაეწყო ამით ის შელახავდა თავის წმინდა და ქვემარტ სიყვარულს და ამიტომაც დუმილი ამჯობინა.

როგორც ჰხედავთ, ქალებისათვისაც ისეთივე ძვირფასი ყოფილა პატიოსანი სახელი და ღირსება, როგორც მამაკაცებისათვის. ამიტომ ისინიც მზად არიან სიცოცხლეს კი არ დაიშურონ პატიოსნების დასაცავად...  
**ვიქტორ ნინიძე.**